



UPA/ 2026/65
3/6-2026
Hans Erik Enoksen

Nunat tamalaat niueqatigiinnikkut suliniaqatigiiffiannut (WTO) ilaasortangornissaq siunertaralugu, ilaasortangorniarnermik sapinngisamik piaarnerpaamik aallartitsinissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Demokraatit inatsisartuni eqimattaa)

(Siullermeerneqarnera)

Qujanaq Demokraatit inatsisartuni eqimattaanut siunnersuuteqarnerannut.

Una siunnersuut niueqatigiinnikkut annertunerusumik akisussaaffimmik tigusinissamut tunngassuteqarpoq. Nammineerluta aalajangiinerunissatsinnut tunngassuteqarpoq.

Nunarsuarmioqataanitsinni nukittunerussaagut. Nunaassaagut, allatulli nunatut, suliffeqarfittut aningaasaliisartutullu nuerfigineqarsinnaasoq ersarissumik, siumut isigaluni ingerlatsisoq. Taamaattumik Taamaattumik pissusissamisoorpoq, piaarnerpaamik suliaq aallartissagipput WTO-mut ilaasortangornissaq siunertaralugu.

Ilaasortangorneq akitsuutitut teknikkikkullu malittarisassanut tunngaannangilaq. Nunanili tamalaani akuerineqarnissamik, pingaarutilinnik attaveqaateqarnissamut niuernernullu nammineerluni peqataasinnaanissamut, siunissatsinnut sunniisussanut, tunngassuteqarluni.

Demokraatit ilisimavaat, ilaasortangorniarnissaq sivisusinnaasoq aammalu sukumiisumik piareersarnermik suliasartaqartoq. Taamaattumilluuna maannakkorpiaq aallartittariaqartugut. Utaqqiinnarniarutta, niuernermut inissisimanitta pisariaqartumik paasinarsinissaaq kinguarsassavarput.

Demokraatitut pingaarneruvoq, Kalaallit Nunaata aningaasaliiffigissallugu niueqatigissallugulu pilerinarnerulernissaaq. WTO-mut ilaasortaaneq ersarissumik takutitsissaaq tutsuiginartuunermik, akisussaassuseqarnermik aammalu nunani tamalaani malittarisassanut peqataanissamut piunassuseqartugut.

Demokraatit siunnersuut akuereqqullugu innersuussutigaat Aningaasaqarnermut- aamma Akileraartarnermut ataatsimiititaliami suliareqqitassatut ingerlateqqinneqassasoq.